

S a o p š t e n j e z a j a v n o s t

Zahtjev za stalnim zasjedanjem parlamentaraca

Bosna i Hercegovina vidno zaostaje u nastojanjima da se približi evroatlantskim integracijama. Šta više, njeni/e građani/ke još će morati da traže Šengenske vize za gotovo svako putovanje van granica Bosne i Hercegovine. U međuvremenu, naši susjedi, Srbija, Crna Gora i Makedonija ispunili su uslove za ukidanje Šengenskih viza i najvjerojatnije će već od početka naredne, 2010. godine, moći slobodno putovati.

Krivac za ovakvo stanje nije niko drugi do vlasti ove zemlje i njihova nespremnost da učine potrebne reforme, usvoje jedan broj zakona i propisa čime bi i građanima ove zemlje bezvizni režim mogao postati realnost. Zbog toga, dole potpisane nevladine organizacije pozivaju parlamentarce, članove oba doma Parlamentarne skupštine BiH, da odustanu od odlaska na godišnji odmor i da u stalnom zasjedanju pokušaju usvojiti toliko potrebne reforme i na taj način priključe Bosnu i Hercegovinu onoj grupi zemalja koju čeka ukidanje viznog režima sa zemljama Evropske unije.

Imamo uvjerenja predstavnika međunarodne zajednice da još nije kasno i da bi iskazana volja naših zakonodavnih vlasti mogla dovesti sve građane Bosne i Hercegovine u situaciju da se slobodno kreću.

Očekujemo od parlamentarca da pokažu odgovornost prema građanima i da ne napuštaju stalno zasjedanje oba doma dok ne budu zadovoljeni kriteriji za ukidanje Šengenskih viza.

Helsinški komitet za ljudska prava u BiH, Sarajevo
Kuća ljudskih prava Sarajevo
Fondacija Istina Pravda Pomirenje, Tuzla
Futura, Mostar
PEN Centar BiH, Sarajevo
Fond otvoreno društvo BiH, Sarajevo
Nansen dijalog centar, Mostar
Renesansa, Sarajevo
Centar „Žena i društvo“, Sarajevo
Žene Ženama, Sarajevo
Fondacija CURE, Sarajevo
ICVA BiH, Sarajevo
SGV – PR Kantona Sarajevo
NGO Kyodo, Sarajevo
Prava za sve, Sarajevo
Udruženje Centar za razvoj i podršku, Tuzla
NVO "Alternative", Kakanj, Kakanj
Transparency International BiH, Banja Luka
Fondacija Heinrich Böll, Ured za Bosnu i Hercegovinu
IPAK-Mladost gradi budućnost, Tuzla
Centar za ljudska prava, Sarajevo
i druge nevladine organizacije u BiH